



**BOSNIA AND HERZEGOVINA**  
MINISTRY OF FINANCE  
AND TREASURY

Na osnovu člana 61. Zakona o upravi («Službeni glasnik BiH», broj 32/ 02), a u vezi člana 17. Zakona o finansiranju institucija Bosne i Hercegovine («Službeni glasnik BiH», broj 61/ 04) i člana 15. Zakona o Budžetu institucija Bosne i Hercegovine i međunarodnih obaveza Bosne i Hercegovine («Službeni glasnik BiH», broj 25/ 07), Ministar finansija i trezora donosi,

**PROCEDURE**  
**o ostvarivanju prava iz tekuće rezerve**

**I**

Ovim procedurama utvrđuje se postupak i način ostvarivanja prava budžetskih korisnika na sredstva iz tekuće rezerve, kao i postupak i način ostvarivanja prava na transfere neprofitnim organizacijama ili pojedincima, kao i drugim transferima iz sredstava tekuće rezerve u okviru ukupnog iznosa odobrenog Zakonom o Budžetu institucija Bosne i Hercegovine i međunarodnih obaveza Bosne i Hercegovine za 2007. godinu za ovu namjenu.

**II**

Budžetski korisnik, koji iskazuje potrebu za budžetskim sredstvima iz tekuće rezerve obraća se Vijeću ministara zahtjevom i prijedlogom odluke za dodjelu sredstava iz tekuće rezerve, uz koji obavezno prilaže mišljenje Ministarstva finansija i trezora vezano za podneseni zahtjev i prijedlog odluke, bez čijeg se mišljenja ni jedan zahtjev o dodjeli sredstava iz tekuće rezerve ne može razmatrati.

**III**

(1) Neprofitnim organizacijama ili pojedincima Vijeće ministara može odobriti sredstva tekuće rezerve iskazana u Budžetu institucija Bosne i Hercegovine za 2007. godinu, odobrena za tu namjenu, u slučaju da se prijave i ispune uvjete javnog konkursa koji raspisuje Ministarstvo civilnih poslova Bosne i Hercegovine. Za 2007. godinu sredstva za ove namjene iznose 672.000,00KM (čl. 15. st. 4. Zakona o Budžetu institucija BiH i međunarodnih obaveza BiH za 2007. godinu).

(2) Kriterije javnog konkursa utvrđuje Vijeće ministara na prijedlog Ministarstva civilnih poslova.

#### IV

(1) Vijeće ministara odlučuje o upotrebi tekuće rezerve po svim osnovama i o tome donosi odluku, koju dostavlja na izvršenje Ministarstvu finansija i trezora i budžetskom korisniku-predlagачu, kome su sredstva tekuće rezerve odobrena, odnosno Ministarstvu civilnih poslova za neprofitne organizacije ili pojedince, na izvršenje.

(2) Odluke koje se dostavljaju na izvršenje moraju biti potpisane i ovjerene od strane Vijeća ministara.

#### V

(1) Po prijemu odluke o tekućoj rezervi budžetski korisnik je dužan izvršiti raspored odobrenih sredstava tekuće rezerve po namjeni trošenja i ekonomskim kodovima i iste uz kopiju Odluke o odobrenim sredstvima tekuće rezerve dostaviti Ministarstvu finansija i trezora, Sektor za budžet.

(2) Na osnovu odluke Vijeća ministara Bosne i Hercegovine o odobrenoj tekućoj rezervi i usaglašenog rasporeda troškova, dostavljenog od strane korisnika tekuće rezerve, Sektor za budžet vrši evidentiranje sredstava tekuće rezerve u Informacioni sistem finansijskog upravljanja ( ISFU ) i o tome, uz kopiju odluke Vijeća ministara o dodjeli sredstava iz tekuće rezerve, obavještava Sektor za trezorsko poslovanje.

#### VI

(1) Sredstva tekuće rezerve odobrena neprofitnim organizacijama ili pojedincima u smislu člana 3., stav 1. ovih Procedura evidentira se u Sektoru za budžet, na osnovu odluke Vijeća ministara o dodjeli sredstava iz tekuće rezerve i usaglašenog rasporeda po korisnicima, dostavljenog od strane Ministarstva civilnih poslova i o tome, uz kopiju odluke Vijeća ministara o dodjeli sredstava iz tekuće rezerve, obavještava Sektor za trezorsko poslovanje.

(2) Ministarstvo civilnih poslova, ili predlagач za dodjelu sredstava iz tekuće rezerve za druge transfere, obavezni su Ministarstvu finansija i trezora, Sektor za trezorsko poslovanje dostaviti popunjene obrasce broj 2. i broj 4, ( propisane Uputstvom Ministarstva finansija i trezora za unos podataka preko ISFU sistema).

#### VII

(1) Sredstva tekuće rezerve, odobrena u skladu sa Odlukom Vijeća ministara Bosne i Hercegovine o prenosu ovlasti predsjedavajućem i zamjenicima predsjedavajućeg Vijeća ministara Bosne i Hercegovine za interventno korištenje sredstava tekuće budžetske rezerve, evidentiraju se u Informacioni sistem finansijskog upravljanja (ISFU) u Ministarstvu finansija

i trezora, Sektor za budžet na osnovu pojedinačnih odluka predsjedavajućeg ili zamjenika predsjedavajućeg, koje Generalni sekretarijat Vijeća ministara Bosne i Hercegovine, nakon donošenja dostavlja Sektoru za budžet. Uz kopiju pojedinačne odluke predsjedavajućeg, odnosno zamjenika predsjedavajućeg Sektor za budžet o izvršenom unosu u ISFU, obavještava Sektor za trezorsko poslovanje.

(2) Generalni sekretarijat Vijeća ministara Bosne i Hercegovine, za korisnike tekuće rezerve iz. st. 1. ovog člana, Ministarstvu finansija i trezora, Sektor za trezorsko poslovanje dostavlja popunjene obrasce broj 2. i broj 4., (propisane Uputstvom Ministarstva finansija i trezora za unos podataka preko ISFU sistema).

## VIII

Prije provedenih radnji, navedenih u članovima 1.do 7. ovih Procedura ne može se ni na koji način raspolagati sredstvima tekuće rezerve.

## IX

Ove Procedure dostavit će se svim budžetskim korisnicima i objaviti na web- stranici Ministarstva finansija i trezora Bosne i Hercegovine i iste će se primjenjivati na sve dodjele sredstava tekuće rezerve u budžetskoj 2007. godini.

## X

Procedure stupaju na snagu danom potpisa od strane Ministra finansija i trezora.

Broj: 01-05-16-3535/07

Sarajevo, 02.08.2007

